

## **UPUTSTVO ZA PACIJENTA**

### **Deslorin**

5 mg

filmom obložena tableta

desloratadin

### **Šta se nalazi u ovom uputstvu?**

1. Šta je Deslorin i za šta se primjenjuje
2. Šta morate znati prije nego počnete uzimati lijek Deslorin
3. Kako uzimati lijek Deslorin
4. Mogući neželjeni efekti
5. Kako čuvati lijek Deslorin
6. Dodatne informacije

### **1. Šta je Deslorin i za šta se primjenjuje**

Deslorin je lijek protiv alergije koji ne izaziva pospanost. Pomaže u kontroli alergijske reakcije i njenih simptoma.

Lijek Deslorin ublažava simptome alergijskog rinitisa (upala nosnih puteva uzrokovana alergijom, na primjer, kod polenske groznice i alergije na grinje). Ti simptomi uključuju kihanje, curenje ili svrbež nosa, svrbež nepca te svrbež, crvenilo i suženje očiju.

Lijek Deslorin se također koristi za ublažavanje simptoma povezanih sa urtikarijom (promjene na koži usljed alergije). Ti simptomi uključuju koprivnjaču i svrbež kože.

Simptomi su ublaženi tokom čitavog dana, što Vam pomaže da nastavite s normalnim dnevnim aktivnostima i da normalno spavate.

### **2. Šta morate znati prije nego počnete uzimati lijek Deslorin**

#### **Nemojte uzimati Deslorin tablete**

Ako ste preosjetljivi (alergični) na desloratadin, na bilo koji od ostalih sastojaka lijeka ili na loratadin.

Deslorin tablete su indicirane za odrasle i adolescente (u dobi od 12 godina i više).

#### **Budite oprezni s Deslorin tabletama**

Ako imate oslabljenu funkciju bubrega.

Ukoliko se ovo odnosi na Vas, ili ukoliko niste sigurni, prije primjene se posavjetujte sa svojim ljekarom.

#### **Uzimanje drugih lijekova s Deslorin tabletama**

Lijek Deslorin nema poznatih interakcija sa drugim lijekovima.

#### **Uzimanje hrane i pića sa Deslorin tabletama**

Deslorin tablete se mogu uzeti uz obrok ili na prazan želudac.

#### **Trudnoća i dojenje**

Upitajte svog ljekara ili farmaceuta za savjet prije uzimanja bilo kakvog lijeka za vrijeme trudnoće ili dojenja.

Ako ste trudni ili dojite, ne preporučuje se uzimanje lijeka Deslorin.

### **Upravljanje vozilima i mašinama**

Ako se uzme u preporučenoj dozi, lijek Deslorin ne bi trebao izazvati pospanost ili smanjenje budnosti. Međutim, vrlo rijetko neke osobe mogu osjetiti pospanost, koja može uticati na njihovu sposobnost upravljanja motornim vozilima ili mašinama.

### **Važne informacije o nekim pomoćnim sastojcima u lijeku Deslorin**

Lijek Deslorin sadrži laktozu. Ukoliko Vas je Vaš ljekar obavijestio da ne podnosite neke vrste šećera, kontaktirajte Vašeg ljekara prije uzimanja ovog lijeka.

### **3. Kako uzimati lijek Deslorin**

Odrasli i adolescenti (u dobi od 12 godina i više): uzmite jednu tabletu jedanput dnevno. Progutajte čitavu tabletu s vodom, uz obrok ili na prazan želudac.

Ljekar će odrediti od kojeg tipa alergijskog rinitisa bolujete te će u skladu sa tim odlučiti koliko dugo trebate uzimati Deslorin tablete.

Ukoliko bolujete od intermitentnog alergijskog rinitisa (simptomi su prisutni manje od 4 dana u sedmici ili manje od 4 sedmice), ljekar će donijeti preporuku o trajanju liječenja nakon procjene Vaše istorije bolesti.

Ukoliko bolujete od perzistentnog alergijskog rinitisa (simptomi su prisutni 4 ili više dana u sedmici i duže od 4 sedmice), ljekar Vam može propisati dugotrajnije liječenje.

Dužina liječenja urtikarije razlikuje se od bolesnika do bolesnika, stoga slijedite upute svog ljekara.

### **Ako uzmete više Deslorin tableta nego što ste trebali**

Uzimajte Deslorin tablete samo na način kako Vam je propisano. Ne biste trebali imati ozbiljnih problema kod slučajnog predoziranja. Međutim, ako ste uzeli više Deslorin tableta nego Vam je propisano, obratite se svom ljekaru ili farmaceutu.

### **Ako ste zaboravili uzeti Deslorin tablete**

Ako ste zaboravili uzeti dozu lijeka na vrijeme, uzmite je što je prije moguće, a zatim lijek nastavite uzimati po uobičajenom rasporedu. Nemojte uzeti dvostruku dozu kako biste nadoknadili propuštenu. U slučaju bilo kakvih nejasnoća ili pitanja u vezi s primjenom lijeka Deslorin obratite se svom ljekaru ili farmaceutu.

### **4. Mogući neželjeni efekti**

Kao i svi drugi lijekovi Deslorin tablete mogu uzrokovati neželjene efekte.

Kod odraslih su neželjeni efekti bili uporedivi sa neželjenim efektima prilikom uzimanja placeba. Međutim, umor, suha usta i glavobolja zabilježeni su češće nego prilikom uzimanja placeba. Kod adolescenata, najčešća prijavljena neželjena reakcija je glavobolja.

Nakon stavljanja Deslorin tableta u promet, zabilježeni su slučajevi teške alergijske reakcije (otežano disanje, piskanje, svrbež, koprivnjača, otok) i osip. Također su zabilježeni slučajevi palpitacija, ubrzanog kucanja srca, boli u trbuhu, mučnine, povraćanja, nadraženog želuca, proljeva, omaglice, pospanosti, nesаницe, boli u mišićima, halucinacija, napada, nemira sa pojačanim pokretima tijela, upale jetre i abnormalnih testova jetrene funkcije.

### **Prijavljivanje sumnje na neželjena dejstva lijeka**

U slučaju bilo kakvih neželjenih reakcija nakon primjene lijeka, potrebno je obavijestiti Vašeg ljekara ili farmaceuta. Ovo podrazumijeva sve moguće neželjene reakcije koje nisu navedene u ovom uputstvu o lijeku, kao i one koje jesu.

## 5. Kako čuvati lijek Deslorin

Lijek čuvajte na temperaturi do 30°C. Lijek čuvajte u originalnom pakovanju.

Obavijestite svog farmaceuta ako primijetite ikakvu promjenu u izgledu tableta.

Lijekovi se ne smiju bacati u slivnik ili otpad. Upitajte svog farmaceuta kako da na siguran način odložite u otpad lijekove koje više ne trebate. Ove mjere pomažu zaštititi okoliša.

Deslorin tablete se ne smiju upotrijebiti nakon isteka roka upotrebe navedenog na pakovanju. Naznačeni rok upotrebe odnosi se na posljednji dan u mjesecu.

## 6. Dodatne informacije

### Šta sadrže Deslorin tablete

Aktivna supstanca je desloratadin. Jedna tableta sadrži 5 mg desloratadina.

Pomoćne supstance:

Jezgra tablete:

mikrokristalna celuloza,  
preželatinizirani kukuruzni škrob,  
manitol,  
talk,  
magnezijum stearat.

Ovojnica tablete:

hipromeloza 6cP,  
titan dioksid E171,  
makrogol 6000,  
indigo karmin aluminium lak (E132).

### Kako Deslorin filmom obložene tablete izgledaju i sadržaj pakovanja

Farmaceutski oblik: filmom obložene tablete

Deslorin 5 mg filmom obložene tablete pakovane su pojedinačno u blistere, u kutije sa 10 ili 30 tableta.

### Način i mjesto izdavanja lijeka

Lijek se izdaje na ljekarski recept, u apoteci.

### Ime i adresa proizvođača lijeka

Amsal Pharmaceuticals d.o.o. Sarajevo  
Igmanska 38  
71320 Vogošća  
BiH

### Ime i adresa nositelja odobrenja za stavljanje u promet gotovog lijeka

Amsal Pharmaceuticals d.o.o. Sarajevo  
Igmanska 38  
71320 Vogošća  
BiH

### Broj i datum rješenja o dozvoli za stavljanje gotovog lijeka u promet:

Deslorin, desloratadin, filmom obložena tableta, 10 x 5 mg: 04-07.9-3139/14 od 26.09.2014.

Deslorin, desloratadin, filmom obložena tableta, 30 x 5 mg: 04-07.9-3140/14 od 26.09.2014.